

खबरां

- भारत नै संयुक्त राष्ट्र सुरक्षा परिषद च कश्मीर मुद्दे पर पाकिस्तान दे खलाफ कड़ा बरोध दर्ज कराया ते इसलामाबाद पर सह अध्यक्ष दे रूपै च अपनी स्थिति दा दुरुपयोग करने दा आरोप लाया।
- तेहरान स्थित भारती दूतावास नै भारती नागरिकें लेई संशोधित सलाह जारी कीती ऐ जे ओह ईरान दी सब्बै गैर जरूरी जात्तराएं थमां बचने गी आखेआ ऐ।
- टैरिफ बदलाव दे मद्देनजर दपक्खी बपार समझौते गी फही थमां निर्धाति करने लेई भारत ते अमरीका नै नमीं दिल्ली च उच्च सतरी बपार वार्ता आयोजित कीती।
- लखनऊ च होई दी अगग दी घटना दे बाद उत्तर प्रदेश सरकार नै अवैध कोचिंग सेंटरें खलाफ विशेष अभियान शुरू कीता।
- भारती मौसम विभाग नै अजज कोंकण ते गोवा च मती भारी बरखा लेई रेड अलर्ट जारी कीता।
- हाकी इंडिया नै अगले महीने थमां शुरू होने आहले बरतानिया दौरे लेई 24 सदस्यीय जूनियर महिला टीम दी घोशणा कीती।

<><><><><><>

India-Pak UN

भारत नै संयुक्त राष्ट्र च पाकिस्तान आसेआ जम्मू-कश्मीर दा मामला पुट्टने पर सख्त ऐतराज जताया ऐ। पाकिस्तान पर संयुक्त राष्ट्र मंच दा राजनीतिककरण करने दा आरोप लांदे होई भारत नै आखेआ ऐ जे सह अध्यक्ष दे तौर पर निरपक्ख रौहने दे बजाय पाकिस्तान नै ओहदे दा गलत इस्तेमाल कीता ऐ। संयुक्त राष्ट्र च भारत दे स्थाई प्रतिनिधि पी. हरीश होरें सह अध्यक्ष दे तौर पर पाकिस्तान दे आचरण दी निंदेआ कीती ऐ। पाकिस्तान दे स्थाई प्रतिनिधि आसिम इफितखार अहमद हुंदी टिप्पणिएं दे परते च पी. हरीश होरें जम्मू-कश्मीर पर भारत दे लम्में चिरें थमां चलदे आवा'रदे रूख गी दोहराया। उनें आखेआ जे केंद्र शासित प्रदेश जम्मू-कश्मीर पूरी चाल्ली कन्नै भारत दा अंदरूनी मामला ऐ।

<><><><><><>

ईरान दे तेहरान च भारती दूतावास नै सुरक्षा सरबंधै च सुधार गी दिखदे होई भारती नागरिकें लेई संशोधित परामर्श जारी कीता ऐ। दूतावास नै आखेआ जे बदलदे घटनाक्रमें दे बावजूद भारती नागरिकें गी अगली सूचना धोड़ी सबै गैर जरूरी जात्तराएं थमां बचना लोडचदा। देश च रवा'रदे भारती नागरिकें ते मती जरूरी होने पर ईरान जात्तरा करने आहलें गी अध्याधिक सावधानी ते सतर्कता बरतने ते सरबंधै पर लगातार तक्क रखने दी सलाह दिती गेई ऐ। ताजा जानकारी ते आगामी परामर्श लेई दूतावास दी आधिकारिक वेबसाइट ते सोशल मीडिया प्लेटफार्म पर लगातार तक्क रखने गी आखेआ गेआ ऐ। कुसै बी किस्मा दी मदद लेई दूतावास नै आपातकालीन हेल्पलाइन नंबर जारी कीते न। 989128-109115 ते 989128-109109. भारती नागरिक cons.tehran@meagov.in पर ईमेल राहें बी दूतावास कन्नै संपर्क करी सकदे न।।

<><><><><><>

Rani Durgavati Tributes

केंद्री गृह मंत्री अमित शाह ते रक्षा मंत्री राजनाथ सिंह होरें अज्ज रानी दुर्गावती होरें गी उंदी शहादत दे ध्याडे श्रद्धांजलि अर्पित कीती। सोशल मीडिया पर इकक पोस्ट च मंत्रियें रानी दुर्गावती गी इक वीर रानी ते नारीशक्ति दा प्रतीक दस्सेआ जिनें संप्रभुता ते सांस्कृतिक विरासत दी राखी लेई मुगल आक्रमणकारियें खलाफ वीरतापूर्ण संघर्श दा बलिदान दिता।

<><><><><><>

Shah-NCB

गृह मंत्री अमित शाह होर शुक्रवारें नमीं दिल्ली च नशीले पदार्थें पर रोक लाने सरबन्धी एनकार्ड दी 10मीं सभनें थमां बड्डे सतह दी बैठक दी अध्यक्षता करडन। ओह जम्मू ते गुवाहाटी च एनसीबी दे जोनल आफिस दा बी उद्घाटन करडन। एहदा सरिस्ता नशीले पदार्थें दी रोकथाम नशीले पदार्थें दी रोकथाम सरबन्धी ब्यूरो आसेआ कीता जा'रदा ऐ। केंद्री मंत्रालय राज्य सरकारें ते प्रवर्तन निदेशालय सरबन्धी एजेंसिएं ते होर दुए सरबन्धी धडें आसेआ एहदा सरिस्ता कीता जा'रदा ऐ। इस मौके पर केंद्री गृह मंत्री नशीले पदार्थें दी रोकथाम सरबन्धी विजन डाक्यूमेंट जारी करडन। अमित शाह होर 6 ज्हार करोड रपे दे मूल्ल दे नशीले पदार्थें गी नश्ट करने आहले आनलाइन ड्रग डिस्पोजल फार्टनाइट कैपेन दी बी शुरूआत करडन।

<><><><><><>

Manohar Lal Metro Station

आवास ते शैहरी मामलें दे मंत्री मनोहर लाल होरें राश्ट्री राजधानी दिल्ली च सेंट्रल विस्टा कारिडोर लेई केंद्री सचिवालय मेट्रो स्टेशन पर निर्माण कम्म दा शुभारम्भ कीता। संवाददताएं कन्नै गल्ल करदे

होई उन्हें इस क्षण गी ऐतिहासिक दस्सेआ ते आखेआ जे एह परियोजना आओजाई गी सुगम बनाग।
उनें दस्सेआ जे एह पूरा होने पर जनकपुरी पच्छिम थमां इंद्रलोक धोड़ी निर्बाध आओजाई सेवाएं प्रदान
करग जिस करी इक पूर्ण लूप बनग।

<><><><><><>

India US Trade Talk

अमरीका दी टैरिफ नीति च बदलाव करी इस बरे दी शुरूआत च होए दे दपक्खी बपार समझौते दे
ढांचे च रूकावट औने दे बाद भारत ते अमरीका नै प्रस्तावित दपक्खी बपार समझौते गी बचाने ते उस
च सुधार करने लेई नमीं दिल्ली च उच्च सतरीय बपार वार्ता शुरू कीती। वाणिज्य ते उद्योग मंत्री
पीयूश गोयल होरें कल नमीं दिल्ली च अमरीकी बपार प्रतिनिधि जैसीमन ग्रीर ते भारत च अमरीकी
राजदूत सर्जियो गोर कन्नै मुलाकात कीतीं

<><><><><><>

UP-fire Incident

लखनऊ च होई दी अग्न दी घटना दे बाद उत्तर प्रदेश सरकार नै राज्य भरै च संचालित कोचिंग
संस्थानें दे नियमन गी मजबूत करने ते अवैध रूपै कन्नै चला करदे कोचिंग केंद्रें दे खलाफ इक विशेष
अभियान शुरू कीता ऐ। मुख्यमंत्री योगी आदित्यनाथ होरें आखेआ जे पूरे राज्य च मिशन मोड च
अग्नि सुरक्षा आडिट कीता जाहग ते कुसा बी भवन दा उपयोग उस्सै मकसद लेई कीता जाना
लोड़चदा, जिस लेई उसी मंजूरी दिती गई ऐ। तहखाने च कोचिंग सेंटर, नर्सिंग होम जा होरनें
बवसायिक गतिविधि चलाना कुसै बी परिस्थिति च स्वीकार नेई ऐ। आकाशवाणी संवाददाता दी
रिपोर्ट मताबक सबै जिला मैजिस्ट्रेटें गी अपने-अपने जिले च संचालित सबै कोचिंग संस्थानें दा
व्यापक सर्वेक्षण करने ते इक सूची तैयार करने दा निर्देश दित्ता गेआ ऐ।

<><><><><><>

Hemis Festival

केंद्री शसित प्रदेश लद्दाख ते लेह च स्थित ऐतिहासिक हेमिस मठ च अज्ज उत्साह ते श्रद्धा कन्नै हेमिस
उत्सव दी शुरूआत होई। दो दिन दे उत्सव च देश-विदेश दे ज्हारें, श्रद्धालु, पर्यटक, संस्कृति प्रेमी ते
बौद्ध विद्वान शामिल होआ'रदे ना। उत्सव दी शुरूआत पारम्परिक धार्मिक रीति-रिवाज, प्रार्थना ते
हेमिस मठ दे भिक्षुएं आसेआं कीते गेदे पवित्तर चम मुखौटा नृत्य कन्नै होई।

<><><><><><>

अमरीका दे विदेश मंत्री मार्को रूबियोत्रे दिनें दी खाड़ी क्षेत्र दी जात्तरा पर न। एहदा मकसद ईरान कनै होए दे नमें संवाद ते समझौते दे बाद प्रमुख अरब सहयोगियें गी विश्वास दोआना ऐ। 4 महीने थमां चला'रदे पच्छिम एशिया संघर्ष गी खत्म करने लेई अमरीका नै ईरान कन्नै नमां समझौता कीता ऐ। श्री रूबियो होर कल चिरें रातीं अबू धाबी पुज्जे। उंदा संयुक्त अरब अमीरात, कुवैत ते बहरीन च गल्लबात दा कार्यक्रम ऐ।

<><><><><><>

Passport Seva Divas

अज्ज पासपोर्ट सेवा दिवस ऐ। एह दिन 24 जून 1967 गी पासपोर्ट अधिनियम दे लागू होने दे सरबंघै च मनाया जंदा ऐ। विदेश मंत्री डा. एस जयशंकर होरें आखेआ जे पासपोर्ट सेवा कार्यक्रम दे दुए गेड़ दी अमलावरी, चिप आधारित ई-पासपोर्ट दी शुरूआत, नमें पासपोर्ट सुरक्षा केंद्रें ते पोस्ट आफिस सेवा केंद्र दी स्थापना कन्नै पासपोर्ट जारी करने आहली जात्तरा सौखी होई ऐ। सोशल मीडिया दी इक पोस्ट च जयशंकरह होरें 14में पासपोर्ट दिवस दे मौके पर सबनें गी शुभकामनां दित्तियां न।

<><><><><><>

Weather

मौसम विभाग नै कोंकण ते गोवा च अज्ज मौलेधार बरखा दा रेड अलर्ट जारी कीता ऐ। तटीय कर्नाटक ते मध्य महाराष्ट्र च बी अगले दो दिनें तगर इस्सै चाल्ली दा मौसम होई सकदा ऐ। असम, मेघालय, कर्नाटक दे अंदरूनी हिस्से, ओडिशा, तेलंगाना, पच्छिम बंगाल ते सिक्किम च 29 तरीक धोड़ी तेज बरखा दा अनुमान ऐ। दिल्ली, रियाणा, चंडीगढ़, पंजाब, हिमाचल प्रदेश, उत्तराखंड, जम्मू-कश्मीर, लद्दाख च शनिवार धोड़ी तेज ब्ला कन्नै बरखा दा बी अनुमान ऐ।

<><><><><><>

Heavy Rainfall Arunachal

अरुणाचल प्रदेश दे खल्के सुबनसिरी जिले च तेज बरखा करी असम दे बक्ख-बक्ख सीमावर्ती जिलें दे खल्के इलाकें च हाड़ दी शेंका बदी गई ऐ। मौसम विभाग मताबक अरुणाचल प्रदेश दे खल्के सुबनसिरी जिले दे याजाली क्षेत्र च पिछले 24 घंटें च 72 अशारिया 8 मिलीमीटर बरखा दर्ज कीती गई ते उप्परले जल ग्रहण क्षेत्रें च चानचक्क हाढ़ आई गेआ।

<><><><><><>

EAM Sourth Korea

विदेश मंत्री डा. एस जयशंकर होरें चुनौतीपूर्ण वैश्विक परिवेश दे चलदे भारत-दक्खन कोरिया सरबंधें गी होरम जबूत करने दी जरूरता पर जोर दित्तां उनें आखेआ जे समान मूल्यें ते आपसी भरोसे आहले मुलखें गी होर मता नेडमा तालमेल बनाइये कम्म करना लोडचदा। सियोल च दक्खन कोरिया दे विदेश मंत्री चो ध्यून हुंदे कन्नै लगगी दी बैठक च उनें एहू गल्ल आक्खी। विदेश मंत्री होरें आखेआ जे मौजूदा अंतरराष्ट्री परिदृश्य च भरोसेमंद सांझेदारी बश्कार सहयोग पैहले थमां मता महत्वपूर्ण होई गेआ ऐ। सोशल मीडिया दी इक पोस्ट च उनें दौनें मुलखें बश्कार राजनीतिक, बपार, निवेश, रक्षा, स्वच्छ उर्जा ते आपसी सरबंधें दे क्षेत्र च सहयोग दी समीक्षा कीती।

<><><><><><>

ED Money Laundering Case

प्रवर्तन निदेशालय मुद्रा बंदरगाह थमां त्रै ज्हार किलोग्राम नशीले पदार्थ आयात मामले कन्नै जुडे दे मनी लांड्रिंग मामले च दिल्ली दे 5 थाहरें पर तपशी अभियान चलाया गेआ। ई.डी अधिकारियें नै दस्सेआ ऐ जे तपाशी हरप्रीत सिंह तलवार, शमशुदीन ते उंदे सहयोगियें कन्नै जुडे दे परिसरें च कीती जा'रदी ऐ। अधिकारिएं दस्सेआ जे ड्रग्स थमां हासल पैहा कथित तौरा पर दिल्ली दे नाइट क्लब च निवेश कीता गेआ हा।

<><><><><><>

Hockey India

हाकी इंडिया नै 5 थमां 14 जुलाई धोड़ी होने आहले बरतानिया दे एक्सपोजर टूर लेई 24 सदस्यीय जूनियर महिला टीम दी घोशणा करी दित्ती ऐ। नमें कोच टिम व्हाइट हुंदे नेतृत्व च टीम जूनियर एशिया कप सने आगामी अंतरराष्ट्री प्रतियोगिताएं दी तैयारी तैहत स्काटलैंड ते इंग्लैंड च 7 मैच खेडगा। युवा टीम दी कप्तानी खैदेमशिलेमा चानू होर करंगन।

<><><><><><>